

La Âf Blu e devente un projet internazionâl

Sot de ale de Tucker Film e cu la regjie di Matteo Oleotto.

Presentazion dal projet, martars ai 22 di Avost, ai Colonos di Vilecjaze di Listize

Il spetacul teatrâl “Âf Blu”, ideât di Serena Di Blasio, si è trasformât intun carton animât divertent, cuntune pontade pilote fate dal dut in Friûl, in lenghe furlane e cul apuart di artiscj e professioniscj dal nestri teritori. Cumò, in graciis de poie de ARLeF (Agenzie Regjonâl pe Lenghe Furlane) al devente **un gnûf projet di respîr internazionâl cul coinvolziment, in fase di produzion, de udinese Tucker Film** che, pe prime volte, si met in zûc cuntune produzion seriâl animade. La projetazion trienâl e previôt la realizazion di 24 episodis di cirche 6 minûts ognidun, prontâts ad implen di talents furlans sot de regjie atente e competente di Matteo Oleotto. **Il stampon di chest prin implant al sarà ilustrât a Avostanis (ai Colonos di Vilecjaze di Listize) ai 22 di Avost, dilunc de serade “Provis viertis di culture furlane”.**

Il grant preseament de prime pontade al à evidenziât lis potenzialitâts di un prodot bon dal pont di viste artistic e di une storie une vore adate par trasmeti al public - soledut fruts di etât prescolâr tra i 3 e i 6 agns, ma no dome – valôrs positîfs e universâi tant che il rispîet pes diferencis, la amicizie, la scuvierde des capacitâts dai singui di reagjî aes fragjilitâts.

Pe ARLeF, il coinvolziment de Tucker Film al vierç prospetivis concretis par lavorâ a un disvilup dal projet che, partint dal nestri teritori e doprant la nestre lenghe, al puedi acuisî un respîr e une difusion tant ample e interessante dal pont di viste culturâl, didatic e des politichis linguistichis, ma ancje dal pont di viste dal marcjât.

Udin, ai 18 di Avost dal 2017

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**

Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<<<